

LIAM, NSTP beri pendedahan kepentingan insurans

KUALA LUMPUR: Persatuan Insurans Hayat Malaysia (LIAM) dan The New Straits Times Press (M) Bhd (NSTP), semalam bersejua menjalin bekerjasama bagi memberi pendedahan kepada masyarakat berhubung pentingnya insurans dalam kehidupan mereka.

Kerjasama menerusi sumbangan artikel LIAM kepada tiga akhbar kumpulan NSTP iaitu *Berita Harian*, *Harian Metro* dan *New Straits Times* selama tiga bulan mulai April ini, bertujuan memberi pendidikan kepada masyarakat yang tiada insurans perlindungan seterusnya memu-

dahkan mereka membuat pilihan terbaik.

Presiden LIAM, Md Adnan Md Zain, berkata hanya 41 peratus rakyat Malaysia mempunyai kesedaran perlunya perlindungan insurans manakala 11 juta lagi khususnya kaum Melayu, tiada insurans yang disifatkannya

sebagai membimbangkan.

Justeru, kerjasama dengan NSTP itu diharap memberi pendedahan mengenai kepentingan insurans.

“Artikel disumbangkan mengenai perkara asas insurans, persoalan lazim serta kebaikan jangka panjang pelaburan insurans sekali gus

mengikis pandangan negatif masyarakat terhadap keperluan memiliki insurans.

“Selain pemahaman terhadap insurans, pendekatan ini diambil sebagai garis panduan kepada masyarakat seterusnya meningkatkan jumlah pemegang insurans di negara ini,” katanya.